

Le **dotur Agreiter é demez** dal vëndres al dedemesaledema, dai 4 ai 9 de dezëmbër y vëgn sostitui dala doturia Mählknecht 349 06 67 034.

PLOANIES SAN MARTIN Y LUNGIARÜ

La **mëssa prefestia tla Ciasa Palsa** é en lönesc, ai 07/12, dales 14.30 y nia dales 15.30.

Le **KVW inviëia vëdui y vëdues y persones sores** en sabeda, 12 de dezëmbër, dales 14.00, tla Mensa dl KVW da Bornech a na festa da Nadé. Siur Degan Iaco Willeit tëgn na meditaziun y les soros Moling da La Val cianta. Prenotaziuns pró la rapresentanta dl KVW de osc païsc cina en jöbia, 10 de dezëmbër.

Le **Renovamënt Carismatich Südtirol**: incuntada d'Advënt „I jutará fora mi Spirit“ en sabeda, ai 12/12, tl'Academia Cusanus a Porsenú. Inviá é düc. Le referënt é Georg Mayr-Melnhof, conesciü por süa manira spontana, löcra y sota da ti baié ados dantadöt ai jog. Le program scomëncia dales 9.00 y va cina les 21.00; an pó tó pert ince ma a na pert. Al é debann. Por la marëna y la cëna pon cumpré bonns da doman. Al é ince la posibilité da lascé i pici mituns pro valgügn che ciara sura. www.begeistert.info. Por i jog che oress jí ia deboriada informaziun pro renate@valentini.cc

Ti tēmps stersc d'Advënt y de Carsëma, de preparaziun ales gran festes de Nadé y de Pasca, él dërt ch'i se dedicunse vigni dé ala oraziun deboriada. Tl tēmp da incö olache le cristianejim manacia tres deplü da jí sot defrunt al materialism y ales atres religiuns él debojëgn ch'i renforzunse nosta nosta fede tla **oraziun comunitara sides te familia co te dljia**. Porchël n'orunse ségn d'Advënt lascé passé ia degun dé zënza s'abiné a perié deboriada. Por la oraziun tles families él apé de dljia sföisc por talian o por todësch che po ester de aiüt. Por na picia oferta tla cassëta dlungia, dër bel dilan.

SAN MARTIN

Incö domënia, ai 06/12, dales 16.00, tēgn i jog na picia **sfilada de San Micorá** dala Ciasa de Palsa fora tl salf di stödafüch. Dailö ciafa i mituns n pice scarnüz y i gragn vin cöt y tē. An prëia do na picia spëhora da corí les spëises.

La **Uniun dles Ères inviëia** dër bel dötes les ères en Santa Maria, ai 8 de dezëmbër, al Rorate (gran mëssa) y da gní dedö tl salf di stödafüch al danmisdé.

LUNGIARÜ

La **Uniun dles Ères inviëia** dötes les ères en Santa Maria, ai 8 de dezëmbër, al Rorate (gran mëssa) y dedö tl salf dla scora a gosté.

Le Cor de Dljia inviëia al **marcé de Santa Lizia** che é davert en sabeda do mëssa y en domënia do mëssa cina les 12.00. Al vëgn perié düc chi che á val' da dé ca por le marcé da le dé jö en vëndres dales 14.00-16.30 o da ti al dé a un di ciantadus.

Domisdé cun Susanne Steidl „**Wellness por anima y spirit**“ en jöbia, 10 de dezëmbër, dales 15.30-17.00 tl Raiun Sozial a Picolin. Cun le ponsé, le sintí y le comportamënt cosciënt vára da influenzé bun nosc bëgnsté. Degöna prenotaziun, al basta gní!

Le cor **Kyrios cun i cors di mituns y dles mitans dl Vinzentinum** ves inviëia al concert d'Advënt en Santa Maria, ai 08/12, dales 17.00, tla dljia de Badia.

Invit ala presentaziun dl liber „**Pastelné cun Pia Pedevilla**“ cun idees por döt l'ann, en sabeda ai 12 de dezëmbër dales 17.00 a San Martin tl Istitut Ladin. Al gnará ince pastelné na cripele deboriada cun l'auturia. Dedö marcé di libri y n pice renfrësch.

Curs da jí coi schi por mituns y mitans da San Martin y Lungiarü: al mët man en sabeda ai 12 de dezëmbër por 10 sabedes. Info pro Laura Sardi 339 27 41 144.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194


6.12. - 13.12.2015 nr. 2

termo da publiché: jöbia 20.00
radio: 90,40 / 93,70

2^a DOMÈNIA D'ADVÈNT - C

Vangele: Lüca 3.1-6

Dailö ti é jüda la cherdada de Dî a Jan,
al fi de Zacaria, che viö tl desert.
Y al é rodé suradöt le raiun incër le Iórdan
y incundâ dailö n bato de converjiun
por le pordonn di picia.
Insciö s'adempli ci ch'é scrit tl liber dles
pordiches de Isaia: Na usc sraia tl desert:
Arjignedi ca le tru al Signur!



*Nadé ghira val' da me: ch'i romëni n pü' sò te mia anima:
Che adora pa val' da me? A che ti sunsi pa val' de debit tl ultimo tēmp?
Che á pa tralascé o a che ti á pa fat me? Che s'aspeta pa da me pordenanza?*

Y Jan Batista é un che la dij fora tlera:

*Al n'é nia dërt ch'al n'é de chi che abina adöm roba y d'atri mör da fan.
Ci che nes é scinché da ldí ne dess nia resté söl cunt dla banca,
mo dess gní tut ca por fá dl bëgn y realisé le règn de Dî.
L'amur alda tl monn y nia te n tressor. Spo é Chël Bel Dî dlungia. (M.B.)*



Festa dl'Imacolada:

Döt bela este, oh Viria Maria, cianta y prëia incö la Dljia.
Tres Maria raiëia sön nos la belëza dla creaziun.
Chël Bel Dî l'á chirida fora sciöche uma de so Fi,
che nes á salvé cun süa vita, süa mort y süa ressureziun.

Por mëte nosc Salvatur al monn, á Chël Bel Dî
stravardé süa uma Maria da vigni picé.
Por l'interzesciun de Maria, nes scinches Chël Bel Dî
ince a nos la grazia de podëi le sorví cun n cör nët.

Proponimënt concret de siur Iaco por chëst'edema:

- i sun contënt che Chel Bel Dî pënsa a nos;
- i me toli vigni dé dant da ti fá na ligrëza a zacai che ne s'la aspeta nia.

	SAN MARTIN		LUNGIARÜ
06.12.15 2^a DOMËNIA D'ADVËNT - C	9.30 Gran Mëssa dla comunità <i>cun le cor di mituns</i> Rorate dla Uniun di Èi y dla Uniun dl Sport <i>pro mëssa tolunse sö i sorvidus nüs</i> <i>y reingraziun chi che á lascé.</i>	06.12.15 Domënia	7.55 Corona 8.15 Gran Mëssa dla comunità <i>cun düc i sorvidus (assunziun di nüs y</i> <i>reingraziamënt de chi che lascia)</i> <i>do mëssa inviëia i sorvidus düc ala „Kuchenaktion“</i>
07.12.15 Lönesc <i>Ambroje, Maria Iosefa</i>	14.30 Mëssa tla Ciasa de Palsa 18.30 Rorate por families de Rita Rubatscher Verginer 2° de sopoltöra de Emma Trebo Conrater	07.12.15 Lönesc	20.00 Rorate por families de Giovanni Chiusura por les families de Tini Clara
08.12.15 Dedolönesc SANTA MARIA IMACOLADA <i>Daurida dl Ann Sant dla Misericordia</i> <i>a Roma</i>	9.00 Corona 9.30 Mëssa solëna dla comunità RO por la Uniun dles Ères 15.00 Öspi solënns cun le vësko tl Dom da Porsenú de contlujiun dla Sinoda - düc é bel invιά	08.12.15 Mertesc	7.55 Corona 8.15 Mëssa solëna dla comunità RO por la Uniun dles Ères dl ann + Franz Frenademez, Fücia dl ann + siur Heinrich Videsott 15.00 Öspi solënns cun le vësko tl Dom da Porsenú de contlujiun dla Sinoda - düc é bel invιά
09.12.15 Dedemesaledema <i>Pire Fourier, Juan Diego</i>	Oraziun te familia	09.12.15 Mercui	7.30 Rorate RO por les families de Monica Costa RO por vëdues, vëdui y porsones sores + + Scebio y Angela Nagler
10.12.15 Jöbia <i>Maria da Loreto, Angelina, Bruno</i>	19.30 Rorate RO di Iagri y Pëiapësc RO dla Uniun Guant da Zacan	10.12.15 Jöbia	7.30 Devoziun d'Advënt
11.12.15 Vëndres <i>Damasus I., Tassilo</i>	19.00 Adoraziun chîta 19.30 Zelebraziun dla Parora de Dî	11.12.15 Vëndres	19.30 Rorate RO por la Vijinanza Vi-Lagoscel RO por le KVV dl ann + Vito Clara
12.12.15 Sabeda <i>Hartmann da Porsenú,</i> <i>Santa Maria da Guadalupe</i>	15.30 Mëssa tla Ciasa de Palsa 18.30 Mëssa prefestia RO di Stödafüch dl ann + Doro Verginer	12.12.15 Sabeda	20.00 Mëssa prefestia RO por familia Clemente Clara, Oriana RO por le Cor de Dlijia
13.12.15 3^a DOMËNIA D'ADVËNT - C	6.30 Rorate tl Dom da Porsenú y daurida dl Ann Sant dla Misericordia 9.00 Corona por la def. Emma Trebo Conrater 9.30 Gran Mëssa dla comunità	13.12.15 Domënia	<i>Festa de Santa Lizia, Patrona da Lungiarü</i> 8.30 Corona 9.00 Mëssa solëna en onur de Santa Lizia